

ko Muhammad

(Rugare Ngaruve Kwaari) ndiani?

MaMuslim vanotenda kuti Muhammad (Rugare Ngaruve Kwaari) akange ari Muporofita wekupedzisira kubva pamutorododo weVaporofita vakatumwa kuzoparidza kuvanhu kuti vave vanoteerera uye nekushumira Mwari woga (Allah pachi Arabhu). Vamwe veVaporofita ava vanosanganisira: Adhamu, Noah, Abrahamu, Ishumairi, Isaki, Jakobo, Josefa, Mosesi, Davida, Solomon uye na Jesu (Rugare Ngaruve Kwavari vose).

SaMosesi (Rugare Ngaruve Kwaari) akatumwa aine bhuku reTorah (iroro chairo risina kukanganiswa rakatumirwa Mosesi) uye Jesu (Rugare Ngaruve Kwaari) akatumirwa Vhangeri (iroro chairo risina kukanganiswa – kwete ayo arikuwanikwa mazuva ano),

Zvirowakazvo, mune mucherechedzo wakarurama pana Mutumwa waAllah kune uyo anechishuwo muna Allah, muzuva rekupedzisira, uye achirangarira Allah zvakananyanya...”

MaMuslim vanotenda kuti Muhammad (Rugare Ngaruve Kwaari) akatumwa aine Korani kuzoratidza kuti dzidziso dzacho dzaifanira kuitwa zvakadii.

Mudzimai waMuporofita (Rugare Ngaruve Kwaari) ainzi Aishah, akakumbirwa mumwe musi kuti atsanangudze chimiro

chaMuporofita (Rugare Ngaruve Kwaari), naizvozvo akapindura achiti: "akange ari Korani raifamba...". zvichireva kuti aizadzisa nepose paaigona dzidziso dzakakosha dzemu Korani pahupenyu hwake zuva nezuva. Tichaedza kuratidza kuti aisandura sei dzidziso dzinokosha kudziita mabasa anokosha.

Hutumwa Hwenyasha

Zvichisanganisira mharidzo yake kuvanhu kuti vave vanonamata, kutsanya, uye kupa zvipo, Muporofita (Rugare Ngaruve Kwaari) aidzidzisa zvakare kuti kutenda kwemunhu munaMwari kunofanira kubatsiridza zvikuropakuwadzana kwemunhu nevamwe. Iye akataura achiti: "Vakanaka pamuri ndeavo vanenge vaine tsika dzakanaka..."

Nhaurwa zhinji dzaMuporofita (Rugare Ngaruve Kwaari) dzinokurudzira hukama huri pakati pekutenda nemabasa, semufananidzo, "kune uyo anotenda kuna Mwari (Allah) uye nemuzuva rekupedzisira, haafanire kukanganisira muvakidzani wake, kune uyo anotenda kuna Mwari (Allah) uye nemuzuva rekupedzisira anofanira kubata vaenzi vake zvakanaka, uye kune uyo anotenda kuna Mwari (Allah) uye nemuzuva rekupedzisira anofanira kutaura zvakanaka chete kana kungonyarara hake..."

"Uye hatina kukutumira Iwe (Muhammad) kunze kwekuti uwe nyasha panyika..."
Korani 21:107

Mutumwa wekupedzisira (Rugare Ngaruve Kwaari) akadzidzisa vanhu kuti vave nyenasha uye kuti vave vanoremekedzana pachavo, "Uyo asingaratidze kuva nyenasha kune vamwe, haamboatidzwawo nyasha navamwe..."

Pane imwe nhaurwa, vamwe vanhu vakakumbira Muporofita (Rugare Ngaruve Kwaari) kuti akumbire Mwari kuti varange vahedeni vose, asi ivo vakapindura vachiti: "handina kutumwa kuti ndive ndinotuka, asi kuti ndive senyasha..."

Ruregerero

Muporofita (Rugare Ngaruve Kwaari) akange ari munhu airegerera kwazvo kudarika vanhu vose uye akapfava zvikurop. Aiti akatadzirwa nemunhu aitomuregerera munhu iyeye, kunyange panguva yaaita hashadzakadii iye ndipo paaitotsungirira zvikurop. Akange akapfava zvikurop uye achiregerera, kunyanya panguva yokuti ndiye akange aine kodzero nesimba rekudzorera.

Muhammad (Rugare Ngaruve Kwaari) akanga ari munhu anoregerera, naizvozvo pakange pasina huhwandu wemhaka kana kurwiswa zvakange zvakakura kwaari asi kutoti aitoregerera chete. Akange ari mucherechedzo mukuru panyaya yokuregerera nekupfava, sekutaurwa kwazvakaitwa mundima dzirikutevera dzemuKorani: "chengetedza ruregerero, kurudzira nyaya yerupfave, ogara kure neavo vasina ruzivo..." Korani 7:199.

Ruenzano

"Zvirowakazvo, vanonyanyo remekedzeka pakati penyu kuna Allah ndeavo vanonatsa..."
Korani 49:13

"Mwari havakutonge maererano nechimiro chako, kana hupfumi hwako, asi kuti vanotarisa mwoyo yenyu uye nemabasa enyu..." Zvinotaurwa kunzi mumwe musi mumwe mudzidzi waMuporofita (Rugare Ngaruve Kwaari) akasheedza mumwe mudzidzi nenzira yekutsvinya achiti: "Iwe mwana wemutema..."

"Uye ngavaregerere uye vakanganwe nezvazvo, hamuna chishuwo here chekuti Allah vakuregererei? Zvirowakazvo Allah vanoregerera zvikurop, vane nyasha dzakawanda..."
Korani 24:22

Muporofita (Rugare Ngaruve Kwaari) akashatirwa zvikurop akapindura achiti: "uri kumushoropodza nokuti amai vake vatema here? Uchiine kusaziva kwakasirira pauri kwepanguva yekare Islam isati yavepo..."

Kuremekedza pfungwa yevamwe

"Haufanire kuita huipi kune avo vanoita huipi kwauri, asi kuti unofanira kushanda navo nenzira yekuregerera uye nerupfave..." Iyi ndiyo nzira yaishandiswa naMutumwa wekupedzisira (Rugare Ngaruve Kwaari) paainyombwa nekutukwa.

"Mabasa ekururama neakashata haana kufanana. Ramba mabasa akashata uchiita akarurama, nokudaro uyo wawakange uchivengana naye achaerekana ave shamwari chaiyo yepamwoyo..."
Korani 41:34

Zvinyorwa zvelislam zvinotaura zvitiiko zvakanwanda apo Muporofita (Rugare Ngaruve Kwaari) akange aine mukana wekudzorera kune avo vaine vamutadzira, asi aibva azvidzora kubva mukuita zvakaaita saizvozvo. Aidzidzisa vanhu kuti vave vanotsungirira pose pavanosangana nedambudziko: "Munhu akasimba haasi uyo anokurira vamwe nesimba rake, asi munhu akasimba ndeuyo anokwanisa kuzvibata kana achinge ashatirwa..." Kutsungirira nekuremekedza pfungwa yevamwe hazvireve kuti muMuslim anofanira kuva akapusa asingakwanise kuzvidzivirira panguva yaanorwiswa, kwete. Muporofita Muhammad (Rugare Ngaruve Kwaari) akataura kuti: "Musave nechishuwo chekusangana nemhandu, asi pamunosangana nemhandu tsungirirai (i.e. ivai makatsiga pamunosangana nemhandu)..."

Rupfave

Mudzidzi akashandira Muhammad (Rugare Ngaruve Kwaari) kwemakore gumi akataura achiti, Muhammad (Rugare Ngaruve Kwaari) akange akapfava nguva dzose pakushanda kwake nevanhu: "Pose pandaiita chimwe chinhu, haana kubvira akandibvunza kuti ndainge ndachiita sei, uye pose pandairegedza kuita chimwe chinhu, haana kubvira akandibvunza kuti sei ndakakundikana kuchiita, akange ari munhu ane hushamwari kudarika vanhu vose..."

Pane chimwe chiitiko, mudzimai waMuporofita (Rugare Ngaruve Kwaari) akagumbuka zvikurop mushure mekunge atukwa nemumwe munhu, Muporofita (Rugare Ngaruve Kwaari) akamurayira achiti: "Iva munhu akapfava uye akadzikama Iwe Aisha, sezvo Mwari vanoda rupfave pane zvinhu zvose..."

"Nokuda kwenyasha dzaAllah wakava nerupfave kwavari, ungadai uine hashakana mwoyo wakaoma, vangadai vakakutiza..."
Korani 3:159

Uyezve akataura achiti: "Ratidza rupfave, nokuda kwekuti rupfave rukawanikwa ruri pane chinhu runochinakisa, uye rukabviswa pane chinhu runochinyangadza..."

Kuzvininipisa

Muporofita (Rugare Ngaruve Kwaari) aigaro rambidza vanhu kuti vamusimukire nokuda kwekumuremekedza. Aiwanzogara pose pose paaiwana nzvimbo pagungano, akange asingatsvage nzvimbo yakakwirira kana inoremekedzeka. Aisa pfeka zvipeko zvaiita kuti pave nemusiyano pakati pake nevadzidzi vake, kana kuti zvaiita kuti aonekera pavadzidzi vake. Aigaro sangana nevarombo uye neavo vaitambura; aiwanzo gara nevanhu vakura uye aibatsira chirikadzi. Vanhu vakange vasinga muzive vaisakwanisa kumunongedza pagungano revanhu.

Achipa mharidzo kuvadzidzi vake akati: "Mwari vakazarura kwandiri kuti, unofanira kuva munhu anozvininipisa, hapana munhu anofanira kuzvikudza kune mumwe, uye hapana munhu anofanira kudzvanyirira mumwe..."

Ndirwo rwakange rwuri rupfave rwake nokuti aitya kuti vanhu vaizo munamata, basa rakafanira kuna Mwari chete:

"Musapfurikidze mwero pakundirumbidza sezvinoita Makristu pavanorumbidza Jesu, mwanakomana waMaria, ndingori chete muranda waTenzi, naizvozvo ndisheedzei muchiti, Muranda waAllah uye Mutumwa wake..."

Murume anozadzisa zvinodiwa

Mudiwa waMuporofita (Rugare Ngaruve Kwaari) ainzi Aisha akataura maererano nezvemurume wake airemekedzeka achiti: "Aigaro batsira kazhinji mumabasa emumba, uye dzimwe dzenguva aisona nguvo dzake, kusona shangu dzake, uye nekutsvaira mumba. Dzimwe nguva aikama mukaka, kudzivirira uye kupa zvekudya kuzvipfuyo zvake uye achiitawo mabasa emumba..."

Akange asiri murume akazvipira chete, asi kuti aito kurudzira vadzidzi vake kuti vave vanoteedzera mufananidzo wake, "Vakarurama mukati mevatendi ndeavo vakarurama patsika dzavo, uye vakanaka pakati pavo ndeavo vanenge vari vakanaka kuvakadzi vavo..."

"Zvirokwazvo, Iwe
(Muhammad)
une tsika
dzepamusorosoro ..."
Korani 68:4

"Uye garai navo
(vakadzi venyu)
nerupfave..."
Korani 4:19

Mucherechedzo unozadzisa zvinodiwa

Zvatungamidzwa pakataura izvi zvinopa mucherechedzo wezvemaramiro akaitwa naMuhammad (Rugare Ngaruve Kwaari) pahupenyu hwake. Mifananidzo yerupfave nenyasha yataurwa inokwanisa kuva inoshamisa zvikuru kune vamwe vanhu kana takatarisana nemucherechedzo urikuratidzwa welslam nevatori venhau, uye nekuramba ichimiririrwa nevasiri maMuslim. Zvakakosha zvikuru kana munhu achida kunzwisisa Islam kuti ave anoenda kumavambo ayo: Korani neNhairwa pamwe nemabasa aMuporofita Muhammad (Rugare Ngaruve Kwaari), uye munhu haafanire kutonga chitendero cheIslam nokuda kwemabasa emaMuslim vashoma.

Mashoko etsigiro kubva kune avo vasiri maMuslim

Mahatma K. Gandhi, mutungamiriri mukuru webato rezvematongerwo enyika uye zvechitendero kuIndia yakasununguka, akataura mashoko etsigiro achiti: **Kushingaira, kuva nyore, nekuzviumbiridza kwaMuporofita, Kuremekedza kwake nokuremekedza tsigiro dzevanhu, kuzvipira kwake kwakakwana kushamwari nevadzidzi vake, hushingi hwake, kusatya kwake, kuvimba kwake kwakakwana muna Mwari, uye nemuhutumwa hwake, zvose izvi, (kwete nokuda kwebakatwa), zvakaita kuti akwanise kutakura zvose zvakange zviri mberi kwake uye kuti ave anokunda muzvimhinganidzo zvose zvaaisangana nazvo.**

George Bernard Shaw, murume wechiBritishi anoona nezvimitambo akatsigira achiti: Nyika irikutoda zvakananyanya munhu ane pfungwa dzakafanana nedza Muhammad, vanhu vezvitendero zvakauya mumakore epakati aya, nokuda kwekushaya ruzivo rwakakwana, nerusaruro vakamupa mufananidzo wakaipa zvikuru nokuti vaimutora semhandu yechitendero cheChikristu, asi pachokwadi anofanira kunzi mununuri wevanhu. Pamafungiro angu, dai kuri kuti aipwa mukana wekutonga nyika yose nhasi uno, aikwanisa kugadzirisa matambudziko edu uye towana runyararo nemufaro izvo zvirikudiwa nenyika yose.

For more Islamic materials

Live chat and more: www.islamtomorrow.com/
Many Islamic videos online: www.thedeenshow.com
Free Islamic online books: www.islamic-invitation.com/
Free of charge Islamic books: www.islamic-message.net/cims/default.aspx
AHLAN : www.ahlan-group.com
www.facebook.com/Ahlan.Explore

MUPOROFITA MUHAMMAD (Rugare Ngaruve Kwaari)

MUNOFANIRA KUMUZIVA MURUME UYU!



Conveying Islamic Message Society
P.O. Box 834 - Alex - Egypt
E-Mail: info_ani@islamic-message.net
E-Mail: cims_eg@yahoo.com
Site: www.islamic-message.net
Not for sale

محمد
رجل يجب ان تعرفه
بلغه الشؤنا

Supreme Muslim Council of Zimbabwe
Std No.19280 Unit N, Seke, Chitungwiza,
Zimbabwe | P:00263772686584

Direct Aid – Africa Muslim Agency
40 Greendale Avenue, Greendale, Harare,
Zimbabwe | P:002634498345

Dzidza zvidzidzo
Zvemavambo